

Broj: 01-02-408/17
Sarajevo, 27.04.2017.

DOM NARODA PARLAMENTA FEDERACIJE BIH

n/r gospođe Lidije Bradara, predsjedavajuće
n/r gospodina Jasenka Tufekčića, potpredsjedavajućeg
n/r gospodina Drage Puzigaće, potpredsjedavajućeg

**PREDMET: PRIJEDLOG ZAKONA O IZMJENAMA I DOPUNAMA ZAKONA O
RADU – skraćeni postupak**


Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH, na nastavku 19. redovne sjednice održane 26.04.2017. godine, usvojio Prijedlog Zakona o izmjenama i dopunama Zakona o radu sa dva amandmana, koja je Vlada FBiH prihvatila, pa su postali sastavni dio Prijedloga zakona, a izjašnjenje Vlade FBiH Vam u prilogu dostavljamo.

S poštovanjem,

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda ✓
- sekretaru Predstavničkog doma
- službi Predstavničkog doma
- službi za izradu izvornika
- a.a

PREDSJEDAVAJUĆI
Edin Mušić



19

IZJAŠNENJE

o amandmanima na Prijedlog zakona o izmjenama i dopunama Zakona o radu, koje je podnio Dennis Gratz, poslanik u Predstavničkom domu Parlamenta Federacije BiH

AMANDMAN I

Član 20a. stav (1) se mijenja i glasi:

1) Radni odnos zasniva se zaključivanjem ugovora o radu, a nakon provođenja procedure prijema propisane pravilnikom o radu poslodavca ukoliko poslodavac ima zakonsku obavezu donošenja pravilnika prema ovom zakonu.

IZJAŠNENJE

Amandman se ne prihvata Obrazloženje

Predložena izmjena je nepotrebna, s obzirom da se iz postojeće formulacije jasno podrazumjeva da se regulisanje procedure prijema pravilnikom o radu poslodavca, odnosi samo na poslodavce koji po zakonu imaju obavezu donijeti pravilnik o radu.

AMANDMAN II

Član 7. stav (1) se mijenja i glasi:

„(3) Vlada Federacije će na prijedlog Federalnog ministarstva finansija-Federalnog ministarstva financija u saradnji sa Federalnim zavodom za programiranje razvoja, a uz prethodne konsultacije sa Ekonomsko-socijalnim vijećem, donijeti propis kojim će propisati metodologiju izračuna i usklađivanja najniže plaće iz stava (1) ovog člana pri čemu najniža plaća mora pratiti procentualno povećanje indeksa potrošačkih cijena.

IZJAŠNENJE

Amandman se ne prihvata Obrazloženje

Predložena izmjena nije svrsishodna s obzirom da je predmetnom odredbom predviđeno kako će Vlada Federacije uz prethodne konsultacije sa Ekonomsko-socijalnim vijećem donijeti propis kojim će propisati metodologiju izračuna i usklađivanja najniže plaće. Shodno navedenom, predstavnici radnika i poslodavca će imati direktnog uticaja na izradu navedenog propisa, te davati prijedloge vodeći računa o zaštiti svojih prava.

AMANDMAN III

Član 10. stav (4) se mijenja i glasi:

U stavu (4) iza riječi: „poslodavac“, tačka se zamjenjuje zarezom i dodaju se riječi: „a gdje se kao većinski vlasnik pojavljuje Federacija, kanton, grad ili općina, potrebno je prethodno pribaviti njihovu saglasnost.“

IZJAŠNENJE

Amandman se ne prihvata Obrazloženje

Predloženim rješenjem precizirana je postojeća odredba Zakona na način da se propisuje kako Federacija, kanton, grad i općina daju prethodnu saglasnost na pojedinačni kolektivni ugovor zaključen između reprezentativnog sindikata kod poslodavca i poslodavca, samo u slučaju da se pojavljuju kao vlasnici, što podrazumjeva 100% vlasništvo. Prijedlog podnosioca amandmana da se prethodna saglasnost daje u slučaju kada se isti pojavljuju kao većinski vlasnici upravo bi proširila ovlaštenja navedenih nivoa vlasti.

AMANDMAN IV

Član 13. se briše.

IZJAŠNENJE

Amandman se ne prihvata Obrazloženje

Mišljenja smo da bi se uskraćivanjem prava na vraćanje na posao radnicima koji su izabrani i imenovani na javne dužnosti ili profesionalne funkcije, dovelo u pitanje pravo na rad ovim licima čiji angažmani su temporalnog karaktera, a s druge strane omogućeno je poslodavcima, koji više nemaju potrebu za obavljanjem poslova koje su ta lica obavljala prije mandata, da istima isplati otpremninu u skladu sa zakonom.

AMANDMAN V

Član 14. se briše.

IZJAŠNENJE

Amandman se ne prihvata Obrazloženje

Predloženom izmjenom predviđena je ista novčana kazna za poslodavca koji ne isplati plaću sa pripadajućim doprinosima u roku ne dužem od 30 dana, kao i za sve ostale prekršaje iz Zakona o radu, s obzirom da se dosadašnja zapriječena novčana kazna u iznosu od 10.000,00 KM do 50.000,00 KM u praksi pokazala neprovodivom. Naime, poslodavci koji nisu isplaćivali plaće u zakonskim rokovima, radi nedostatka finansijskih sredstava nisu bili u mogućnosti niti platiti prekršajne kazne u predviđenim iznosima, a čime se otvorio problem eventualnog prestanka rada velikog broja privrednih subjekata.


V. broj: 370/2017
14.03.2017. godine
Sarajevo



Broj: 03-02-161/2017
Sarajevo, 14.03.2017. godine

PARLAMENT FEDERACIJE
BOSNE I HERCEGOVINE

- Predstavnički / Zastupnički dom -
gosp. Edin Mušić, predsjedavajući



PREDMET: Izjašnjenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl 187. i 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o izmjenama i dopunama Zakona o radu, koje su u Predstavničkom domu Parlamenta Federacije BiH podnijeli: Klub zastupnika HDZ BiH-HNS (dva amandmana) i Dennis Gratz, poslanik (pet amandmana)**, a koje je Vlada Federacije Bosne i Hercegovine utvrdila na 68. hitnoj sjednici, održanoj 14.03.2017. godine.

S poštovanjem,

PREMIJER

Fadil Novalić

Prilog: kao u tekstu

Cc: Federalno ministarstvo rada i socijalne politike
gosp. Vesko Drijača, ministar

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) a u vezi sa odredbama čl. 187. i 190. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07 i 2/08), nakon razmatranja amandmana na Prijedlog zakona o izmjenama i dopunama Zakona o radu, koje su u Predstavničkom domu Parlamenta Federacije BiH podnijeli: Klub zastupnika HDZ BiH-HNS (dva amandmana) i Dennis Gratz, poslanik (pet amandmana), Vlada Federacije Bosne i Hercegovine je, na 68. hitnoj sjednici, održanoj 14.03.2017. godine, utvrdila sljedeće:

IZJAŠNJENJE

o amandmanima na Prijedlog zakona o izmjenama i dopunama Zakona o radu, koje je podnio Klub zastupnika HDZ BiH-HNS u Predstavničkom domu Parlamenta Federacije BiH

AMANDMAN I

U članku 2. stavak 3. mijenja se i glasi:

„Vlada Federacije Bosne i Hercegovine će u roku od 90 dana od dana stupanja na snagu ovoga zakona, donijeti propis kojim će propisati postupak prijema u radni odnos iz stavka 2. ovog članka u zavodima, agencijama, direkcijama i upravnim organizacijama, pravnim osobama s javnim ovlaštenjima na teritoriju Federacije Bosne i Hercegovine, u javnim ustanovama i javnim poduzećima čiji je osnivač Federacija te u gospodarskim društvima u kojima FBiH sudjeluje sa više od 50% ukupnog kapitala.

Iza stavka 3. dodaje se novi članak 4., koji glasi:

„Vlade kantona će u roku od 90 dana od dana stupanja na snagu ovoga zakona, donijeti propis kojim će propisati postupak prijema u radni odnos iz stavka 2. ovog članka u zavodima, agencijama, direkcijama i upravnim organizacijama, pravnim osobama s javnim ovlastima na teritoriju kantona, grada ili općine, u javnim ustanovama i javnim poduzećima čiji su osnivači kantoni, grad ili općina te u gospodarskim društvima u kojima kanton, grad ili općina sudjeluju sa više od 50% ukupnog kapitala.

IZJAŠNJENJE
Amandman se prihvata

AMANDMAN II

Članak 12. se briše.

IZJAŠNJENJE
Amandman se prihvata